



59683



Mag. St. Dr.

P

Teol. 5086.

Krokowski Petri Hyacinthi. Hecatombe inter
seraphicos ignes coeli gratissima.

I

A

A



M

D

Ag



CR

HECATOMBE

Inter Seraphicos Ignes

CÆLO GRATISSIMA

D I V U S

BONAVENTURA,

DOCTOR SERAPHICVS,

S. R. E. CARDINALIS,

ARCHIEPISCOPVS ALBANENSIS,

Annuâ Suæ Festivitatiscurrente die

In Sacris Ædibus



D. FRANCISCI

Celeberrimi Conventûs Cracoviensis,

Magnæ Magnorum Hospitum Coronæ

Officiosâ Panegyri

A

M. PETRO HYACINTHO KROKOWSKI

In Alma Vniuersitate Cracoviensi Philosophiæ Doctore & Professore

DEMONSTRATUS.

Annô quô

Agnus Cælestis pro salute humana in victimam venit 1729:
die 14ta Iulij.

CRACOVIAE Typis Iacobi Matyaszkiewicz S. R. M. Typog:

In Gentilitium Stemma
ILLVSTRISSIMÆ
DOMVS.



Fert Rosa splendorem, fert lucem Clavis avita,
 Illustri nexu colligit omne Decus.
 Candor Ei nitidus, Tyrios sed spargit Honores;
 Auratæ Clavi gemmea cuncta patent.
 Hinc Rosa quod fundit, quod Clavis pandit in Orbem
 Æternis Fastis Struthea Penna notat.

59683

J
M
D
M
SV
VIC



rarium
20; Hæc

ILLVSTRISSIMO
&
MAGNIFICO DOMINO
D. JOSEPHO
IN MICHAŁOW

MICHAŁOWSKI
SVBDAPIFERO PALATINATVS
VICE-CAPITANEO & IVDICI Castri Crac.
DOMINO ac MECÆNATI
Amplissimo.



Ram Sanctior Hecatombe Divinissimus BONAVENTURA
Seraphicus Doctor ut intra Magna Domus Tua augustos
Postes habeat erectam, non dedignare ILLVSTRISSE
MECÆNAS. Templum Honoris Tua Domus est, sed
nō minūs Templū Virtutis, ac illud Pantheon quod ut ma-
gni Viri semideiq; Herodēs, ita Divi Indigetes nunquam non
inhabitare volunt; ubi suas vident non profanari Virtu-
tes, non minui Honorem sed augeri. Conspectio CLAVIM
Gentilitiam, Hec neque solum publicum Patriæ pandit æ-
rarium sed & Divorum Aedes pandendi capa issima, In ROSAM frontis lumina ver-
ro; Hæc non duntaxat à Purpura Tyroque tota, sed & à Martyrio Sangvine deco-
rem

rem maximum assumpsit. Rosinis à Romanis ROSA hæc originem ducit, primam plantationem debet PORCIO Sancti ADALBERTI Archiepiscopi Gnesnensis & Martyris Fratri Germano. Servat nitidum Candorem, quem in Patriam testatur. Pro maximis Purpuris sufficit ipse Martyrius Sanguis, sed ne sit Illi laus ab Origine sola, ingentia decorum centifolia non dehinc explicare. Vna multas in Regno Fasquè primas Familias exornat, & nunquam non in primam gloriam cedit ILLVSTRISSIMÆ MICHAŁOVIANÆ DOMVI, ex Qua quot prodeunt bellaces Anima Viri, Omnes sunt Sanctioris Themidis Cultores, Martis genuina Propago, Omnes Patriæ Defensores, boni publici indefessi Atlantes. Aurum gemmasquè non sepiam fundere calamus deberet, si Geminum NICOLAVM de Michalow MICHAŁOVIOS, Vnum Palatinum Sandomiriensem, Alterum Castellatum & Capitaneum Cracoviensem regnante IAGELLONE Supremum Regni Exercituum Ducem dignavellet Panegyri celebrare, Erant illi duo fulmina belli, nunquam Hostibus sustinenda. Quas Victrices ex arena Bellonæ colligebant palmas, easdem manipulo Iagellonico inferebant, ut esset multâ gloriâ Triumphalis. ALBERTVM Castellatum Zavichotensem, VALENTINVM Palatinum Podlachia, STANISLAVM Sub Iudicem Ravensem dum nominat Posteritas, quemlibet Triarium noscere debet, Cuiquè es triplex circa pectus erat, pro Patria defendenda. Capitulum Vratislaviense amplâ sorte se ditatum censuit à FELICIANO MICHAŁOVIO, Qui non unius tantum Vratislavia, sed totius Polonia ingens fortuna fuit. Prodromo suo Scipione in perennem gloriam procedit Illustrissimus PETROSIVS MICHAŁOWSKI Supremus IOANNIS Ducis Masovia Marechalculus, dum ultimam ex Illustrissima Familia IASIENCZYKORVM Hereditam in vitæ Sociam ducit, Ejus Stemma CLAVIM suæ gentilitiæ jungit ROSÆ, taliquè unione multa pretia conquirat. A Serenissimo Masovia PRINCIPE tam gratijs & Privilegijs, quàm amplissimis hereditatibus donatus. Patuere ROSÆ primi semper honorum Postes, patere intimiora ceperunt Conclavia, quæ Clavis parentia facit. NICOLAVS de Michalow Dapifer Ravensis, post Tribunus Cracoviensis, habet sibi Tributariam gloriam immortalem. IACOBVS Pocillator Cracoviensis Filius erat Tonitruum, dum in hostes tela trifurca tulit. IOANNES MICHAŁOWSKI Palatinus Plocensis magnis suis meritis ut asurgebat major, ita suâ perenni nō diminuitur famâ IOANNES Vexillifer, ANDREAS Dapifer in Palatinus Masovia Terræ Cernensis, nō sibi sed Patriæ comodis vixerunt. IOANNES Dapifer, VALENTINVS Pincerna uterq; Cernensis, mensæ Iovis uterq; asidere dignus, qui (quod satis ad gloriam erat) omnitus fuere ad gustum. GEORGIVS erat plusquam Alexander

MI.

MICHAŁOWSKI suā Macedoniā arctatus, in Lithvaniam migravit, norum sibi invenit Orbem quem fortes Viri ubiq; habent. Pedisequam ubiq; habuit fortunam, quia nullibi à virtute divisus. Sub Climate Lithvanico possessionibus auctus, eò ipso augeri non cessat, quòd dignos reliquerit Successores. IACOBVS Pocillator Terræ Cernenfis faciliè posthumam memoriam vivit, quam suis Heroicis extendit factis. GASPAR in Terra pariter Cernenfi, honore Vexillifer militanti sibi gloriam habet. Amplior hic requireretur pagina, ut saltem sola caperet MICHAŁOVIORVM Nomina, eaq; valeat venerari. MELCHIOR Tribunus Lublinensis Vice-Capitaneus & Iudex Cracoviensis, quatuor vicibus ex Palatinatu Cracoviensi ad Iudicia Tribunalis Regni Iudex Deputatus, quæ verba & sententias locutus, erant ipsius Themidis Decreta. Praefuit unavice Tribunali Mareschalcus & unus totus Areopagus iustitiæ potuit appellari. Ne totus sub legem factorum abiret, totam integram in IACOBO & HYACINTHO duxit, Ille Tribunus Lublinensis, post Castellanus Becensis, Hic Capitaneus Krzepicensis. Vterq; Magni MELCHIORIS Filii non minores. IACOBVS pro uno Tribunus Lublinensis ex Palatinatu Cracoviensi, HYACINTHVS ex Palatinatu Masoviae Terra Rosanensi ad Comitata Regni Generalia Varaviae Nuntii in sua elogia animant literas, qui pro Literis disertissimo ore perorant. Regni negotiorum Defensores, etiā Regni Scholæ Universitatis Cracoviensis Iurium & Privilegiorum Protectores, Dignos laude Viros merito vetat Musa mori, qui pro Regijs Musis pro Domo Literarum fuerunt Oratores. HYACINTHVS cum HELENA De Zurow DANIŁOWICZOWNA iunctus, etsi sine Prole decessit, habet inde fecundam & facundam gloriam, quòd multoties ex Palatinatu Masoviae pro Generalibus Regni Comitibus Legatus, indefessam bono publico navabat operam. IACOBVS quem jam innui Castellanus Becensis VRSVLAM ILLUSTRIS MI ADAMI KAZANOWSKI Supremi Regni MARESCHALCI Neptim Germanam, BARTHOLOMÆI KAZANOWSKI Castellani Zawichostensis Filiam, dum sibi in lectissimam Consortem duxit, habet numerosum Gloriarum ex Illustrissima Sobole comitatum. MARIA ANNA MICHAŁOWIA ILLUSTRISIMO FRANCISCO KORYCINSKI Castellano Bractaviensi in vita Sociam cessit & summos adauxit honores. MELCHIOR NICOLAVS MICHAŁOWSKI Dapifer Terræ Rosanensis Magnus Tuus Parens ILLUSTRIS ME DOMINE Plura elogia meretur, quàm calamus recensere sufficit. Multis vicibus ad Comitata Regni Nuntius, ad supremum Tribunal Iudex Deputatus, Patria ut semper fortunatas haberet vices, intensiores adhibuit curas. Millenas sibi Panegyres posuit, sed omnibus major; ALEXANDRAM De Czarnca STEPHANI CZARNIECKI Palatini Kijoviae Supremi Exercituum Ducis Neptim Ger.

Germanam, MARTINI CZARNIECKI Generalis Castrorum Metatoris *Filiam*, STEPHANI, STANISLAI CZARNIECKI Supremi Căpestris Exercitus Regni Notarii Sororē Germanā *Patruelē*. STEPHANI CZARNIECKI Eniferi Palatinatūs Cracovien: Neptim, sat felicē sibi copulavit nexu, ex quo Unio Virorum estimatissimus prodijsti. NICOLAVS Canonicus Præmysliensis, & STEPHANVS Fratres Tui Germani & si satis cesserunt, agunt tamē immortale vitā, famā suā Superstices. Illustrissimos Antecessores Tuos, Proavos, Avos atq; Ipsos Progenitores Dignissimos recensui, Quorum laudes nunquam hæc exigua pagella capit. Non tamen hic absq; suis prætermittuntur elogijs, quoties Te innuere & venerari licet. Habet in Te suam auxesim Aborigenum Magnitudo, crescit non IOSEPHI duntaxat Nomine, sed & amplitudine meritorum. Insistis Prædecessorum vestigijs; sequi Tuam virtutem etiam Illis gloriosum. Succedanea ē Domo Illustrissima Posteritas melius suos non metietur Antecessores, quā ē Tua Ipsi probitate, ac illa meritorum congerie, quam in Te geris concentratam. Teneriores ætatis Tuae annos alios Palladi, alios diasti Gradivo, ob ingenij excellentiam, morum gravitatem & expeditam promptitudinem ubiq; non Tyro sed Veteranus fuisti. Plura agis pro Bono publico, quā alij possunt cogitare. Ad Iudicia Tribunalis Regni Iudex Deputatus; quoties descendis, Themidem facis triumphare. Semel Mareschalcus Supremi Tribunalis, non nisi in partem Iusticiæ aliorum vota Tuo dirigebas Scipione, dum iterum secundo Iudicem Deputatum agebas, hoc primum apud Te semper fuit, ut iusta haberent victoriam Cause. Supra Calamum est quomodo Vice Capitaneus & Iudex Cracoviensis Partium dirimis lites. Decreta statuis, quib; hoc solum, quod est æquum decernis. Quotquot Commissiones Tuam sub manum veniunt, aliter ab alto Tuo non expediuntur Iudicio, nisi ut suum unicuique reddatur. Propterea apud alios Tibi amor, apud alios reverentia, apud omnes maxima estimatio. Veneror hic debio cultu Illustrissimam THERESSIAM ex Malachoviis Vitæ Tuae dignissimam sociam Cui ob eximias dotes, Virtutes plurimas quorum Compendium est magna Panegyres debentur. Præmitti quoque nequeunt ex quibus. Vobis magnis Parentibus solatium & delictum, Domui gloria crescit. FRANCISCVS, CASIMIRVS, IOANNES, ANTONIVS. Alij Domi ob teneriorem ætatem Parnassum colunt, FRANCISCVS Craciæ Minervæ Eam suam Indolem dicat, quā magnorum est capacissimus. Inter sacratiores Vestas dum Aliæ vitali fruuntur aurâ; LUDOVICA præsens Oculis & Cordi Vestro, elegantia dorum Helenas superans, & MARIANNA utraq; Pulcheria, spes Domui manet. Et non mirum, quod tam egregia Proles MICHALOVIANÆ Gloriæ auxesis est; Pulchros Cayster cignos; non pastas angvibus producit ciconias. Hesperidum Virida-

Viridaria aurea non linguam mordentia parturiunt poma, ex Iove nascuntur Apollines; Tibi quoque, quia Illustrissimo, omne clarissimum, omne laudabile meritis succedaneum est. Ingentia Domus Tua decora ipse compendias, quae fuerunt in Antecessoribus, in Te relucet. Intra Domus Tua Augustos Postes habent illae Familia Illustrissima locum, quae totam Poloniam summam claritate implent, illustrent & decorant.

LESZCZYNSCII, POTOCCII, DUCES ZBARASII, BOGDANSCHII, WALEWSCII, KAZANOWSCHII, KOCHANOWSCHII, WIELOPOLSCHII, KOMOROWSCHII, BIEYKOWSCHII, CZARNIECCII, IABLONOWSCHII, TARŁONES, KOWALSCII, BRANICCHII, OSSOLINSCII, GRZYBOWSCHII, DEMBINSCHII, KORZYCINSCHII, ZALESCHII, SZEMBEKOVII, ZAŁĘSCHII, WALISZEWSCII, MAIOWII, DANIŁOWICZOWII, POCHŁADOWII, GOSŁAWSCHII, RZESZOWSCHII, ZARANKOWII, TOMISŁAWSCHII, PYNISCHII, KONARZEWSCII, KOBIERZYCCII, MASZOWSCHII, DYNINOWII, ROSTWOROWSCHII, LIPSCII, OSTROWSCHII, BŁĘDOWSCHII, ŁWOWICZOWII, TOMICCHII, RADZIŁKOWSCHII, KAMOCCHII, KOBIELSCII.

Uterque illumque maximum Majorum Tuorum Syllabum dum recensere intendo, Dodona menti haeret, in cuius vestibulo sicut ex quolibet ligno Mercurium, aut Apollineam manu dignas pharetras formare possibile; ita in Tua ILLUSTRISSIMA DOMO quodlibet aeterna gloria inveniri idoneum; probatissimum est. Exinde ILLUSTRISSE DOMINE cetera dotes Tuas concernentia merita sub ROSA Gentilitia servo; agant illa pro Domo sua Oratorem plusquam Tullium Romanum, per quae Virtus Tua Palatinatui Cracoviensi nota est, anver-

us:

us: quanta Polonia, tanta patent prudentia Tua & ingentium qualita-
rum decora. Gloria Tibi Domus est, & Tu Domui. Accedit
Tuo Nomini ex Connexione Prosapiarum decus, & Illis ex Te Tuam Do-
mo non minor accedit. Brevius dicere sufficiat: tot splendores nexu San-
guinis dum ad Tuos deducuntur Postes; par est totum illuminare Orbem.
Quare inter tot & tanta decora non desit Sanctiori Hecatombe Divinif-
simo BONAVENTURÆ sua Ara ILLUSTRISSE DOMINE. Ille
Cælestes in Domum Tuam conciliabit gratias & favores, ego felicissimos
successus, longam vitam & primos cæleste Honores. Magni Nominis.

Illustrissimæ ac Magnificæ
Dominationis Vestræ

Devotissimus Cliens
& Servus
Author Operis.



ORATIO



Actenus adversis incaliginamur tenebris, noctesque potius non dies vivimus; ut tandem melior aurora serenioris fortunæ nuntia sequatur, flammantes Sacrorum luce Divorum Aras comitemur AA. Undique etenim tetris ac deformibus terremur spectaculis, diræ prælagiorum conquassamur imagine, ita: ut unò quasi digitò à vitæ naufragio positi videamur. Nil nobis promittitur fortunatis; egestas non opes, mancipium non Libertas, Sagum non Toga, sortis tumulus non bonorum cumulus, lethum non læta tempora, verioris fortunæ scopum attingere non videmur, scopulis adversitatum opprimendi.

B

Non

Non tot Circe intoxicavit mortales poculò,
nec tot Pandora de fatali pyxide effudit ma-
la, quot subsecuturæ sperantur infortunio-
rum tempestates. Impellimur ad infelices
volvendos casus, vela nostra iniquioris fortu-
næ traduntur arbitrio. hinc Scyllam & malle-
um, illinc Charybdim & incudem timemus,
utriusq; mali miserandas experiri vices aut
cogimur, aut speramus. Cælorum Qvirites
Carthagini nostræ funestos præparant ignes,
infensi renascuntur Scipiadæ, iterùm vitalem
induunt auram, ut communi bonò spolie-
mur. Sarmatica Ales gemmeis apocalypsim
gloriæ suæ si notaverat pennis, nunc lethali-
bûs stipanda pænis, hostilibûs implumanda
pharetrîs, injuriæ nostræ compos est. Fu-
rens Procyonis astrum Icarios pollicetur
casus, fulgidum ex maligno exitiale sustulit
caput, ut in fatalem nutaremus ruinam, ad cu-
jus malesanam lucem æstus conspiciamus, læ-
tū fortunæ jubar in occasu lugentes. Iliadem
in nucleo servem: undiq; malorum cerni-
mus indicia, majores cimmerijs palpamus
tenebras, jam conjuratæ veniunt procellæ,
quæ viritim miseros incurrant mortales.

Sed

Sed ò spē nostræ felicitatis! ò horrenda præ-
 sagia! ita ne jam Cælorum furor non mite-
 scet? minimè. Torquates à torque dici me-
 ruit, Saturnus est, quod se saturet annis: Di-
 vinissimum **BONAVENTVRAM** ex in-
 de veneramur, quòd sit probabile bonorum
 argumentum. Lambit flamma in cunis Asca-
 niū, inde Aufonij Proceres salutem ominan-
 tur; Sacrationem Mystam dum Seraphici
 ambiunt Ignes, nostræ quoq; felicitatis est.
 Die Iovis sua celebrat Solennia, ut Tonanti
 eripiat fulmina, ne hæc in cervicem vitæ no-
 stræ jaciantur. Supplices mortalium lachry-
 mas Seraphicis extingvit flammis, spargitq;
 dies meliore comâ, optatæ lætitiæ serenum
 inducendo. Sese Superis offert, ut auferat
 discrimina à nobis. Ergo Hecatombe in-
 ter Seraphicos Ignes Cælo gratissima ulteri-
 ori Stylô demonstrabitur. Prius ad Aras Tu-
 as victima cado Doctor Divinissime, dum
 Te Hecatomben nominare licuit, incultum
 eloquij genus sit Tuo acceptabile Honori.
 Nec vos AA ad hanc Sacram Hecatom-
 ben devotas mentes & benevolam attentio-
 nem negate.

B2

Nobilis

Nobilissima Cælorum Hecatombe Divus
BONAVENTURA donec Spectato-
ris Oculi publica recipietur in ara; altâ mente
repositos Sacrorum indagare Ritus non in-
glorium ducite AA. Est Dijs primus honor,
est Deabus gloria compar, utrisq; solennior
plausus, quia æquè laudabilis. Supremam
Tonantis Aram plurimæ condecorant Victi-
mæ, hæc tamen illarum decentior, cui lucem
frons aurata fundit. Iunonis Altaria digno
Sacrorum more hunc recipiunt colorem;
qui stellis & lilijs candidis est vicinus. Del-
phicum Apollinem multi comitantur Hono-
res, Illi non solus auroræ Præpes solenne de-
licium est: etiam in terris sonipes votivos spi-
rans naribûs ignes victima gratissima. Pal-
ladem sine Matre miramur, non sine plausu
veneramur: decor Illi Classis, præsidium ha-
sta, aciem quòq; scutis ordinatam fortiores
obarmant victimæ. Martis ostia non semper
hostili pinguntur sanguine, digniùs humanis
onerantur hostijs, Bellici Steropum enses
non tam Vulcaniò renitent ictu, quàm voti-
vîs radiant flammis. Togati Qvirates festi-
vò Sacrorum plausu suum venerantur Alci-
dam

dam, generoso Triumphatori thuriferas ex-
 truunt pyras, monstrorum Domitori tenel-
 lum exponunt agnum; ad maiorem votorum
 gratiam, & rubentia poma velociter gyran-
 tur. Auget sacra piacula vocalior corvus,
 Latoniæ complacuit Dianæ, quia Phæbeius
 ales. Cererem jactabunda vetustas omni
 gratitudine colit: hæc frugibus arva vesti-
 ens, Solis decolorata æstu, meritò gemme-
 um in lacte candorem pro libamine servat.
 Sed quid mihi cum his est? fugio e mentitò
 splendore coruscantes Aras, desero Apolli-
 nis Ignes, quibus fabula non veritas illustra-
 tur. In Minoritarum Asceterio Sacrationem
 veneror Hecatomben Divinissimum BO-
 NAVENTVRAM. Primam Illius lucem
 umbratili sermone lustro, quam sibi ex He-
 thruria capescit gloriosam. Balneoregium
 dignæ Cælis Hostiæ natales explicat Aras,
 quò tam egregiò partu Ioannes & Rite-
 la gratiosi Parentes jam Superos conciliare
 videntur. BONAVENTVRÆ Nomine
 insignitur, ad suas natalium Ceras bonò glo-
 riaturs eventu, exinde optimò; quòd sit Cæ-
 lorum Hecatombe futurus. Scio Superis
 lotis

lotis manibûs immolari Victimas; BONA-
VENTVRA ut talis esset, Baptismalibus
perfunditur Vndis, quæ ab Alto venerunt.
Incolit Lucinæ gremium Sacratior Iuvenis,
& ecce pessima fatorum rabies suam in Il-
lum exasperat malitiam. Cælorum felicitati
invidet, morbô de vita sufferendum sata-
gens. Iam importuna Atropos vitalem dis-
rumpit auram, Pæoniæ vires mortale filum
si tardant, non retardant. Gembunda Pa-
rens illos quorum arte laniatus eqvis revi-
xit Hippolitus convocat Æsculapios, do-
ctos quærit Podalyrios, sed inanis conatus
est; plus valet arte docta malum. Majores
tamen circa sanandum Iuvenem adhibet cu-
ras, dum Minoritam venerata Franciscum,
per Illum a Dijs BONAVENTVRÆ salu-
tem exposcit impetrari. Immemor benefi-
cij non vult esse: offert Filium Superis, nata-
les Illius Ceras Seraphicis appositura Igni-
bus, quæ dignam Cælô exprimant Hecatō-
ben. Ergo melioribûs Astris vota Parentum
optatō coronantur eventu, pristinae restitui-
tur saluti, ut crescat acceptior Cælorum
Hecatombe. Pietas Illi Nutricem egit Mu-
sas

fastandem diligenter coluit, & plurimum
 profecit, quia nihil profanum scivit. Cælesti
 radiando Sapientiâ omnem lucem quæ
 virtutis non erat tenebras putavit. Heca-
 tombe ut esset, non tam maternò votò quàm
 voluntariè DEO sacrificatur. Mundanos
 fugit splendores, pulchrius in umbris Reli-
 gionis lumen habiturus. Cerussatam fal-
 lacis Orbis pompam indignabundò aversa-
 tur vultu, ratus in multitudine fluctuantium
 volutari potius, quàm soli Deo vacare. Se
 se de Mundo immundo celat, & Seraphico
 Cælo immolatur mundus, ad Illius Ignes
 gratissima Cælis Hecatombe arsurus. Subi-
 vit Sacræ Religionis silentium, suæ Sancti-
 moniæ famam effecit vocalem. Bona tibi
 elegisti Dive **BONAVENTURA**: in excel-
 sis Sacrarijs jactabunda vetustas Dijs Victi-
 mas litabat, ut intenta sua libaret; sacratior
 Hecatombe es, in sublimi Alverni monte ju-
 re meritò Virtutum thure adolesciscis. Adnu-
 meratus syllabo Minoritarum, genuinam se
 se monstravit Hecatomben, ubi adinventæ
 in Sacratissima Francisci Domo gloriæ in-
 numera accessu reciproco præclare facto.

C² rum

rum specimina victimavit. Commentitios
in phaleris verborum exossus splendores, fu-
mantem Cleanthis lychnum Seraphicis ad-
movit Ignibus, Iovem sibi nactus est; ut Mer-
curius fieret, Alexandrum de Ales Professo-
rem, sub quo Alite Ingenio, & sublimi Men-
tis acumine ad illud consummata sapientiæ e-
volavit Culmen, quod raris attingere con-
cessum. Victimæ variæ superstitionis immo-
labantur Delubris; in Honorem solius tri-
sulci Iovis præcipuè mactabatur Hecatombē:
Divus BONAVENTURA dum Sanctior Hecatombē est; ad thuricremam supre-
mi Tonantis Dei Aram locatur, ut potè &
fervore Divinò candens & innocentia candi-
dus. Placebat Cælorum Aedibus suavis hu-
jus Hecatombes odor, flammæ non sic redo-
lent Sabææ, ut Ille odorifera inter Seraphi-
cos Ignes proferebat Thura Sanctitatis. Ma-
gnus Christianæ Cybeles Mysta docuit alios
imitari Corybantes Sacrificulos semper aper-
tâ dormire pupillâ, ne Divûm cultus obsere-
tur. Septennis Ille in Regno Franciscanæ
Sapientiæ, & jam tantus, ut Parisijs Magiste-
riali fungi munere dignus extitisset. Librum
Sen

Sententiarum Sensu pænè Divinò dum enu-
 cleabat, non verba sed Lilia & Rosas nulli
 Perseo calcandas in Galliarum Viridario lo-
 cutus, quæ Illi in sertum triumphale floresce-
 bant. Divinum Ingenium credidisses, ni Se-
 raphicum scires; cui nullum Sapientiæ Arca-
 num arcanum erat, & nullus Entheus non
 Enthusiasmus. Dignâ mentis staterâ aurea li-
 brando verba, hoc vel maximè docuit, quæ
 norma boni qui limes honesti. Quascunque
 Sacra Theologia involvebat ambages, ad
 intima penetravit, penetrando litavit menti-
 bus studentium illustrandis. Non in cassum
 ad Theologica elevavit mentem, quia sem-
 per familiarem Cælitibus fecit; adeo: ut De-
 um Ipsum in abyssali æternitatis profunditate
 conveniret, odore Sanctitatis ad convexa
 Cælorum fumante. Hecatombe Sacratior
 Divus BONAVENTURA quoties in Pa-
 risiensi suggestu Iuvenibus celsit Professor,
 toties tôt laureis stipatus, quot modo scien-
 tiæ Lumina adoramus. Tantam suò ingenio
 Discipulis propinavit Aganippen, ut illorum
 animi scientiarum fluentis exuberare videren-
 tur. Edecumatae sapientiæ Divi BONA-
 D VEN.

VENTVRÆ patebat Religiosi Infulatūs Ho-
noris Templum, ultro se Illi ingerebat, ut sa-
cratori potiretur Hecatōbē. Alij ad honores
præpetibūs non tam currunt quàm volant
aquilīs; ad BONAVENTVRAM ipsæ digni-
tates, ipsi honores cumulantur, & Illius eme-
ritæ virtuti sublimiores acclinant fasces. Vi-
gesimō tertiō à suscepta Religione annō Mi-
nisterium Generale suscepit, ut publicæ cō-
moditati ministrare posset. In culmine
Religiosæ eminentiæ stetit, ut melius cun-
ctis in obsequia demissum Caput victimaret.
Vera sacræ Religionis Hecatombe; nemini
non felix, nemini non proclivis. Omnem se
communi sacrificavit fortunæ, ut inde He-
catombe nosceretur. Præses Capituli Nar-
bonensis arctius subesse edocturus, humilem
Francisci Regulam Seraphici spiritūs entheō
effecit clariorem. Non hic ultimus Hono-
ris ascensus; stipendiarium est virtutibus cul-
men, & Tiara egregijs factis vectigalis. Sū-
mitatem Theologicam raramq; sanctitatem
advertit in Divo BONAVENTVRA Cle-
mens IV, sacrum Ejus verticem Infulā cin-
xit, ut Hecatombe magis ad ArchiPræsuleū
Ebo.

Eboracense Pedum Orbi Cœloq; emeretur.
 Sed votis Superum reluctatus Divus BONA-
 VENTURA, adventitiô noluit investiri Hono-
 re, inquilinô contentus; bene noscens nullū
 gloriosorem, quàm qvi contempsit & se &
 gloriam. Nigricantes Togæ magis oblecta-
 bant Divum BONAVENTURAM, quàm co-
 ruscus Præsulum amictus. Nempe adamas
 absq; annulo adamas, nec virtus indiget sub-
 selijs, ut splendorem acquirat, quem ex se
 habet. Suffecerunt Illi sanctiores latebræ,
 ex quibus in apricam Gloriæ lucem semper
 facilè luctabatur. Submove Dive BONA-
 VENTURA ut libet illustrissimo Insulæ
 Iubari Tuum eruditum Caput, si sa-
 cram Antistitum Tæniâ effugies, Cardina-
 litius murex Tuos atlanteos induet lacertos.
 Factum est AA: aspirantibûs meritîs, ad in-
 stantiam virtutum & favore Gregorii X. ex
 Alverni monte in Vaticanam sedem sacra-
 tior transfertur Hecatombe. Sublime id quod
 capeffijt Divus BONAVENTURA non su-
 pra meritorum fastigium est. Stetit ad Ro-
 tam Cardinalitiâ eâ promptissimâ mente,
 quæ Aris & focis fortunatè respondebat. In

D^r

Pur.

Purpuris Corybantes Panchæa Thura da-
bant Superis; Divus BONAVENTURA
ideò purpureo decoratus amictu, ut talem
Orbis adoraret. Acceptionem Cœlis proba-
turi Honores multi in Eum conspirarunt,
dum Cardinalis Galero se se acclinavit Tia-
ra Albanensis. Cruentam hic autumaretis
Hecatomben, ut potè in Purpura, sed can-
dor mentis & cordis prævaluit illibatus. Tã
summis auctus Honoribus Divus BONA-
VENTURA, primum Virtutibus tribuit lo-
cum; ingenti Hecatombe amoris erga DE-
VM proximumq; ingens non defuit æstus,
universis in Victimam celsit, ut fervida vo-
ta leniret. Nescivit contractam manum in-
tra Rotam Cardinalē, qui dilatata habuit spa-
tia charitatis. Illa semper intendebat opera,
quæ aut Ecclesiæ decori, aut Pauperum in-
opiæ profuissent. Centum aras in uno situ-
are loco, hoc apud Antiquitatem dicere He-
catomben consuetum; Divus BONA VEN-
TVRA solâ sanctitate ac eruditione mille-
nas sibi extruxit aras. dum occidentali Eccle-
siæ Orientalē vinculado nexu adjunxit. Cre-
vere eloquio ejus Concilia Lugdunensia,
quod.

quodlibet dicentis oraculum fulmen erat,
 quô dura Hæresum domata cervix, victricibꝫ
 Petri plantis extitit suppedanea. Stupebant
 omnes in illo Confessu post solidatam cum
 Ecclesia Romana Ritûs Orientalis unionem,
 non verba sed verborum uniones perorantē.
 Murex Illi tunc floridioris Eloqvētix non de-
 fuit, quē Divinô in CHRISTO Crucifixo san-
 gvine purpuravit. Talē ex emedullato Ver-
 bi in Cruce pendentis medullā svadæ libavit,
 qualē nunquā in Tulliano fonte famelicô co-
 natu hausisset. Admiratur Angelicus Do-
 ctor sublimē Ejus eruditionē, de ministra Cœ-
 lestis facūdiæ sciscitatur Bibliotheca, Ille Dei
 in Cruce pendentis effigiem indigitans, hunc
 esse Hymettum affirmat, ex quo succos mel-
 litæ svadæ collegit. In Arbore Crucifixi mul-
 tūm sacratior adolevit Hecatombe, foliis il-
 lā stipavit, ut mortales ex lectione Passionis
 CHRISTI fructus legerent opimos. De sex
 Seraphinis ut octo Volumina scripsit, Ipse Se-
 raphicꝫ Doctor pennatā agilitate quoslibet
 Euros in Argonavim Ecclesiæ surgentes su-
 peravit, atqꝫ adeo compescuit: ut quivis ad-
 versitatū Aquilones in Ethesias & Favonios

E

tran-

transirent gratiores. Pharetrā artificio ingenij
sui effecit, authoritates Doctorū obarmās,
ne lædantur; ex omni sacratior Hecatombe.
Sive eruditis laboribus incubuit Minervā do-
ctiorem colendo; quæ Ejus capite veriùs
quàm Iovis nascebatur, sive ferventissimos
pietatis exercuit actus, ubiq; sibi Templum
fuit, ubiq; gloriosior Ara. Non me hic stupor
tenet, quòd Illum sub speciebus panis, & vi-
ni frequentius aliquando felici timore non
ausus accedere, qui in Crucis Ara se ipsum
pro salute Orbis victimavit. Vidit sibi An-
gelicis manibùs Sacratissimam porrectam
Synaxim, & inde gratior Superis Hecatom-
be evasit. Quomodo non gratior? dum Illū
intra se tenuit, qui Cœlum & Orbem tenet.
Invidebant Superi terris Hecatombē, ut illā
capiant, radiantis Olympi Postes aperiunt.
Amat Cœlum Victimās, quod si tales semper
cederent, terræ obligatum maneret. Divus
BONAVENTURA Hecatombe est, sed
purissima, nam absq; omni labis fuligine:
præfago mentis tripode cōfirmat id Alexan-
der de Ales; quòd nullo criminis nexu suam
innodaverat conscientiam: *Verus Israëlita*

in quo Adam non videtur peccasse Talis
 Cœlestem Hierusalem Hecatombe decuit,
 quæ Sphæris nō paradisi sepibûs, Cœlo non
 solo, unde sydereas derivavit dotes, originē
 debebat. Victimas, & sacrificia orto sole fi-
 eri Pœtica commenta narrant; ne sint com-
 mēta: noster **BONAVENTURA** quia Soli
 Iustitiæ in Hecatōben cedebat; die solis é vi-
 vis cessit. Meruit tantum holocaustum **BO-
 NAVENTURA** Dominicum habere diē,
 exinde solennissima Hecatombe dicendus.
 Locatur in stellifero Olympo **BONAVENTURA**,
 ad Aram Sanctissimæ Triados
 Seraphicis accensus Ignibûs dum clarissimè
 splendet, Oratoria extingvit lumina, non præ-
 tendens eruditā elevari pennā, jam ad syde-
 ra sublimatus. Congratulare magnæ felici-
 tati Tuæ sacra Religio, dum Hecatomben
 Superis gratissimā inter Seraphicos habeas
 Ignes. Tua inde gloria, Tuum encomium,
 quòd dignos Cœlo Genios Orbi demonstres
 Vniverso. Vos Illos Minoritas veneror, quo-
 rū maximæ virtuti prima honorū Insignia in
 victimā abeunt triumphalē. Triregia Purpu-
 ræ & Tiaræ ultro vobis ingeruntur, Vestrisq;

Ez

me-

meritis semper sublimiùs assurgunt. Victi-
mis Numina placantur: Divinissime BO-
NAVENTVRA Hecatombe es, placa irri-
tum Tonantem, redde mites Superos; ut Sar-
maticus Ales pro pennis pænis stipatus ex
irruentibus evolet periculis. Regum Filiam
Almam, & generalem Studiorum Matrē
quæ hodie Tibi Sceptra pro victima po-
nit Tuo conserva patrocinio, Omni-
bus devotis Tibi Cultoribus Cœ-
lorum gratiam imprecare san-
ctior HECATOMBE.



cti-
30.
irri-
Sar-
s ex
iam
trē
o-

iv
N
co
I
VT
2
lq
co
st
sa
qu
ng
xp
ia V
n
n
n
n

28.

Biblioteka Jagiellońska



star0027180

